

«Գեղեցիկ Մարօն կբժշկէ քեզ»... ասաց Սագօն. նրա խօսքը ճշմարիտ էր, թէեւ նա արտասանեց այնպիսի դառն, հեզնական ժպիտով:

Ես կրկին գլուխս դրեցի բարձի վրայ եւ նայում էի պատուհանից ներս ծագած շողին, որի մէջ խաղում էին միլիոնաւոր մանրիկ փոշիներ գոյնզգոյն փայլումներով: Ահա՛ ինչ է նշանակում լոյսը, մտածում էի ես, չէ՞ որ այս սենեակի ամբողջ բովանդակութիւնը պարունակում է իր մէջ այսպիսի փոշիների մի ծովակ, բայց նրանք չեն երեւում օդի աղօտութեան մէջ, իսկ լոյսի այս նեղ ժապաւենի մէջ բոլորը երեւում են: Բայց եթէ խաւար լինէր, – ես ոչինչ չէի տեսնելու, մինչեւ անգամ ամենախոշոր առարկաները: Ա՛խ, ի՛նչ լաւ բան է լոյսը, որպէս բաց է անում նա մարդի այքերը եւ զօրութիւն է սուլիս նրա տեսութեանը: Չէ՞ որ միեւնոյնն է լինում եւ կեանքի մէջ, – մի ժողովրդի, մի ազգի եւ ամբողջ աշխարհի կեանքի մէջ: Երբ որ տիրում է մտաւոր խաւարը, մարդիկ չեն տեսնում իրանց ամենախոշոր թերութիւնները. նրանք չեն նշմարում այն ճանապարհի ուղղութիւնը կամ ծռութիւնը որով գնում են. նրանք չեն նկատում այն խոչընդոտները, որ ամէն անգամ նրանց ոտքին է դիպչում եւ ճակատի վրայ վայր է գցում. – նրանք ոչինչ չեն տեսնում, միայն խարխափում են մոլորութեան մէջ...

Յիշեալ մտախոհութիւնները ինձ հասցնում էին այն եզրակացութեանը, թէ բոլորովին անյաջող կ'անցնէր Կարօյի ձեռնարկութիւնը. նա չէր կարող մի ժողովուրդ, որ ապրում էր խաւար մթնոլորտի մէջ, կանգնեցնել շիտակ ճանապարհի վրայ եւ նրա ընթացքին անմոլոր ուղղութիւն տալ: Պետք էր նախ եւ առաջ փարատել խաւարը, եւ ժողովուրդն ինքն իրան կը գտներ իր ճանապարհը...

Արդեօք այսպէ՛ս էի մտածում ես. միթէ՞ այս ճշմարտութիւններն էի կարողում արեւի այն լուսաւոր ժապաւենի մէջ, որ ներս էր շողացել իմ քնարանի պատուհանից: – Ո՛չ, ես ոչինչ չէի տեսնում նրա մէջ, բացի փոքրիկ փոշիներից. նրանք եւս շուտով ձանձրացրին ինձ: Երեսս շուռ տոհի, իմ ուշադրութիւնը գրաւեց ախտաբորբոք ճնճղուկը, որ իր գոյգի հետ պատուհանից ներս թռան սենեակի մէջ: – Նրանք մի քանի շրջաններ գծեցին իմ դատարկ քնարանում, յետոյ նստեցին միմեանց մօտ, սկսեցին քաղցր սիրախօսութիւններ անել: Մինչ այս զոարճութեան մէջ էին, ներս թռաւ մի այլ ճնճղուկ-արու, նա մօտեցաւ նախկին հերոսի սիրուհուն. նորեկի կողմից մի այսպիսի լրբութիւնը շարժեց սիրահարի նախանձը: Կռիւր սկստեց: Մի փոքր խեղդեցին մէկ-մէկու, մի փոքր քաշեցին միմեանց փետուրները: Մինչ նրանք այս պատերազմի մէջ էին, էզը օգուտ քաղեց խռովութիւնից եւ դուրս փա-